

外交報彙編

第二十一冊

李文忠所擬約稿 第一條大俄國與大清國永立和睦邦交之憑據故允將東三省俄兵佔據之地歸還中國所有自主管轄權與俄兵未經佔據之前無異 第二條大清國允准東三省及中俄交界地面不再有去年之變亂及他國之變亂大俄國允將駐紮之兵陸續撤退其撤退次序列後 甲一千九百一年撤退盛京西南及遼河各兵 乙一千九百二年撤退盛京其餘各軍 丙一千九百三年察看可撤與否再撤吉黑兩省之兵 第三條中國在東三省需用兵額及駐紮之地除指定應許鐵路公司地段外必須將軍與俄督酌定已定後不得再增其故因中國增兵俄界亦須增兵互相增益徒致勞費也至東三省巡察之權准由中國所派兵隊及巡捕辦理惟兵捕不得有礙 第四條俄國允將山海關至營口新民廳各鐵路交還中國所有去年修理保護之費概由中國償還 一中國管理此鐵路應按照一千八百九十六年英俄所立條約及原定該鐵路公司章程辦理不准添築支路及展長原

線。二此鐵路保護之責。由中國自認。不得擅許他國兵隊駐紮。三不准在遼河造橋。四現在鐵路盡頭處。不准擅自移動。○慶邸王中堂本月初十日赴俄使署開議。次日復議。係請俄國退還東三省。減鐵路賠款。除去限制華兵額數。及獨攬鑛路利權等事。俄使已轉達政府核奪。○兩全權均期收回主權。如不能願。公諸各國。袁慰帥亦言發祥之地。不可讓人。○英美日力勸不允。日本並言俄得東三省。當利益均沾。

議歸天津

署直督袁慰帥照會各國公使。請撤天津駐兵。交還地面。願保永遠平安。惟各使擬俟北京交涉事件完結再議。○十二月二十日各使會議。除俄法美比外。英德荷義均不允從。○天津常關稅項。現定自西歷正月杪起。四成歸稅務司。六成歸都署。

商約彙誌

英國派議商約專員麥垓君及幫辦戈頒君。設辦公處於英領事署。已函請盛承堂定期開議。○日本派定前署上海總領事小田切君為議商約委員。

## 俄約述聞

俄使與全權會議東三省條目駁款節要 原云中國若須增兵滿洲應歸俄人訓練駁云訓練中國兵殊損中國體面必須另議原云俄兵除保護鐵道者不撤外餘俟北境全安三年內一律撤退中國須償還兩年內俄國屯兵費之半駁云撤退期太遠屯費當諒中國財力然後再覆原云鐵道添造分軌不得越過遼河英日借用鐵路中國應加限制駁云限制英日借用鐵道須俟俄英日協商至遼河添設分軌尙須另議原云俄國管理之中國鑛山或招股份除俄國外他國不得入股凡俄國管理之鑛山必須另訂新約鑛產之利中俄平分駁云開鑛一節大損中國主權難於照准○俄使近致全權覆文略曰前與李全權訂議現均被駁所言保持中國主權及預防別國干涉等情亦難答覆惟有電達政府奉諭再覆云云觀俄使情形似已願和平了結嗣聞已得俄廷電諭尙未宣示○又聞美國電諭其國公使著代中國辦妥東三省事

催解賠款

賠款公約原定庫平交付。現由戶部電知各省。每關平百兩。應加補水庫平銀一兩六錢四分三釐。所有各司關道局派令解滬之賠款。均令一律按照關平補水申足。庫平解滬彙付。以符公約。又由各督撫飛飭各處知照。將每年派定賠款。勻分十二次。按月於二十日以前到滬。俾滬道得按月依二十二日之期彙交。不得遲延短少。

商約彙誌

英國派議商約專員麥垓君幫辦戈頌君在滬。已於華十二月朔與盛宮保開議。○日本添派北京使館一等書記官日置君爲議商約委員。

要事雜誌

中國駐韓公使近日照會韓國政府。欲與立約。以便任華人在海面捕魚。并須與日人所立之約相同。○俄人近由西伯利亞移窮民數千於盛京。大爲滋擾。增將軍商於俄官。始令移往金州。俄人殆將實行殖民政策矣。

## 俄約述聞

西曆二月五日北京電。俄使近又另擬約稿。送交兩全權大臣。略謂中國無論何時。如在東三省振興商務工藝。需用經費。應專向華俄銀行借貸。他國不得干預。並言此舉實有神中俄兩國商務。亦不礙他國利權。又言中國如能允從。則前約所請專得東三省礦路之利一節。可作罷論。一年以內。並可將所駐俄兵撤退。英使聞信。卽宣言俄約雖改。仍屬有名無實。如竟允從。中國土地。必難保全。且與他國在東三省商利大有妨礙。英使極欲設法抗拒。並告兩全權。謂中國如允俄請。英國援例要索。必較俄爲甚。美日兩國公使。意見亦同。江督鄂督復聯名奏阻。故人謂俄國或可以此退讓。○二月二十日路透電。美國於二月一日。照會中俄兩國政府。畧謂中國如以東三省礦路之利。獨讓於俄。則與中國與各國所定約章有礙。美國斷不允從。

## 路礦彙紀

慶親王因駐京英使要索自某礦山展至浦口之鐵路。卽奏請將前河南山西兩省

與福公司訂開各礦。速行開辦。得旨允行。○俄人近設六大公司。欲在黑龍江開礦。聞侯駐京俄使與中國政府議妥。即行開辦。○駐京德使請中國准將山東數礦。讓與德人獨辦。每年以所得百分之七。繳納政府。○義大利有攬辦浙江全省礦務之意。○盛宮保與日本富商土倉訂開安徽宣城煤礦。近由土倉延定礦師數人。航海來華。前往察勘。○由張家口至恰克圖之鐵路。已准俄人興造。聞今春即當動工。

### 要事雜誌

日本各報載日本擬向中國要素由某處通至牛莊鐵路。並在山東境開礦。南方內河行輪云。○俄使聞北洋有聘日本武員練軍之說。即照會兩全權。自言曾與李文忠立約。不許他國干預。兩全權覆以北洋練軍。專為彈壓匪亂。至聘用日員一事。尙未確定。○俄在海參崴設立滿文學堂。轉託華官代延教習。齊齊哈爾副都統奏派墨爾根城鄂倫春協領永善前往試辦。○本報第二期載駐韓公使與韓國訂立中韓漁業條約。茲聞韓國政府已允照辦。惟以黃海道平安道各岸為限。

商約彙誌

英國派議商約專員麥垓君初次所遞條款計運米出口洋鹽進口任便內地通商及鐵路礦務等事共有六條並未言及商稅現聞此六條已經盛宮保婉言駁之故麥君已轉告英政府矣至第二次所遞條款計十五條專言商稅並聞所納關稅須通行西國銀行鈔票云○又聞商約中尙有鎮江行駛小輪須改訂章程一條○麥君所議進口稅將改爲值百抽二十西人嘖有煩言上海外國商會因此復行集議○上海茶商以定例紅茶每擔完稅二兩五錢現極好者僅售二三十兩課稅太重虧本異常擬俟茶葉運到售與洋商後再行完稅或由茶棧包認稅銀向洋商抽取並咨商產茶各口之稅司出口時憑箱查驗不必拆閱等情稟商盛宮保已咨總稅司商酌辦法○北洋釐金已經盛宮保與麥君議定仍歸內地釐局抽收○美國近派駐滬總領事古納君及美商息門君與中國議訂稅則

路礦彙紀



雲南教案賠款。李中丞許以洋銀十二萬元。法領事增索至三十萬元。魏制軍許以二十萬元。李中丞告領事及某工程師云。至多則十五萬元。工程師電商法使。並述中丞之意。謂如減賠款。將來雲南礦路。華官可與法人商酌。法使覆電。允以十五萬元議結。惟欲訂實商辦礦路之事。○聞四川礦務。將歸英人包辦。惟冕甯金礦。法人與英人爭之。得不在內。然恐須歸法人辦理。○粵漢鐵路。已由美人所設華美公司承辦。中國政府出立五十年期五釐行息之四千二百五十萬元保單。聘定美京總工程師二人。其副者。已到粵佈置一切。

要事雜誌

英日同盟。俄京各報並無議論不合之處。惟言東三省俄國不過暫管。必當歸之中國。○慶王以英日既已同盟。遂將俄國前所要素之華俄銀行一事。毅然拒絕。○聞各國政府及其公使。欲將天津地方。自西正月起。再行管理一年。然後交還。蓋因會議時。英德兩使力反前者裁撤之說。持論尤烈故也。

一商約彙誌

○中國政府與各國商約專員麥君設法整頓期

洋商以三聯洋單經過鎮江釐卡留難情形請英國商約專員麥君設法整頓期於洋單銷路不爲鎮江新辦華單所奪○某國領事言商約必當移至北京簽押不能在上海定議且各國政府行文外務部亦如是云云故外務部已請盛宮保在上海開議在北京換約○盛宮保已與麥君商議擬減輕出口茶稅以冀振興茶業○麥君向盛宮保商請將進口洋麪一律免稅現尙未有定議○內河行駛小輪鄂督張宮保欲使華商自行辦理不許洋商侵佔此利致多交涉而日本不允○美國前欲於中國和約內添載一款須令中國確有永遠開通門戶之證據後不果行今值改訂商約必欲如願以償而後已○商約各事除呂大臣會同盛宮保辦理外又有西人賀璧禮戴樂爾二君遵旨議辦其有關稅則者必與副總稅務司斐式楷君會議若遇有礙中國商務之處必查核和約竭力翻駁○義大利派其駐漢口之領事盧君爲會議商稅專員○英國商約專員麥君請在長沙常德通商設立租界一

切章程。悉照岳州辦理。惟租界須歸華官經理。巡捕亦由華官管轄。此議大約可成。

清河派員

濟黃浦江之局員。除英界工部局中國輪船招商局尚未派定外。已派定者爲江海關道。上海正稅務司。丹國總領事厲克斯密甫。比國總領事薛福德。商務總會董事太古洋行雷特。協隆洋行飛爾仁。各行船公司之各行商。上海大英輪船公司麥許爾。日本郵船會社林民雄。法界工部局總董布倫納。各國特派在中國口岸每年進出口船隻逾二十萬墩數之各員。美總領事古納。德總領事克納貝。前日本總領事小田切。怡和洋行大班英格理。

要事雜誌

俄使謁慶王。力請以西藏爲獨立自主之國。○華政府堅拒德國所索山東礦務。○日本索取牛莊鐵路利益。聞華政府頗欲允之。○各國之意。中國若將各國議定各款。一一施行。卽將天津交還。○中國允償美國兵費。美國刻欲如數照收。不復議減。

## 太原教務

據上海士林西報。述在太原天主教教士佔居令德堂。經沈仲禮觀察力索。總主教已允交還。而勒令以優禮殯葬前年被戮各教士。並須巡撫親送。沈答以我當親送。惟巡撫則斷不能。總主教以天主教尊於耶穌教。仍執巡撫親送之說。沈謂無論何教。不問其分位高下。吾均以友誼相待。總主教以巡撫不能親送。卽不交還令德堂。沈言欲佔則佔。惟有一言當先聲明。各教士均無護照。吾固可飭華兵將君等逐出山西境外。緣神父巴納巴斯與駐華法使意見不合。去年西六月間。護照已經作廢。該教士等轉求義大利公使代出護照。義使亦未允。故沈敢出此言也。沈又言教士既無護照。卽無權與吾商議教案。天主教教士又謂令德堂交還之後。不許耶穌教士入內。其意蓋爲辦理學堂之耶穌教士李提摩太而發。而沈觀察立意頗堅。決不從其所請。故此案今尙未結云。

商約彙誌

英國派議商約專員麥垓君之意實以裁撤釐金改訂進口稅則二者爲主而美國商民集議恐加稅之後裁釐仍有名無實不如照和議大綱所定加至抽足值百抽五爲妥已稟商美政府矣至盛宮保意則須議妥加稅方議裁釐○麥君前議凡內河小輪可至之地均須通商經盛宮保駁回而麥君不從現擬以可通商者許其開埠其實在不便通商者仍堅拒之至脩改行船律例已咨商外務部矣○海關存單章程及傳教章程均經議及○日本已擬定改訂商約條款聞與英國所請者微有不同計八章二十四條凡革除釐金保護版權進出口貨物稅則內地行船諸款包括在內卽日本貿易協會所改者亦皆列入

要事雜誌

張在初星使出使英國須先繞道赴西班牙致賀加冕再行履任○聞俄約漸已就緒惟約中有數字爲英使所持故難卽定○據德文報所接北京電云前德國索取山東礦利方撤天津都署一事近知非確且亦未在山東另索新地

外人蒙獎

直督袁宮保 奏獎辦理教案善後出力教士洋員計花翎二品頂戴法正主教樊

國樑 賞加頭品頂戴。二品頂戴法副主教林懋德 賞戴花翎。正定府法主

教包儒畧 賞加三品頂戴。獻縣教堂法教士葛光被 賞加四品頂戴。清苑

縣東關教堂法教士任類斯 賞三等第一寶星。英國耶穌教安立甘會教士鄂

方智 賞三等第一寶星。花翎三品銜比員林輔臣 賞加二品頂戴。英國副

將古德 賞二等第三寶星。善後局委員法員濮吉颺 賞加四品頂戴並花翎。

俄約述聞

中俄新約定於三月初一日畫押其大畧列下。一 中國在東三省之主權與未被俄

人佔據以前相同。二 俄國在東三省之兵準於十八個月內撤盡。三 俄兵撤退後東

三省練兵事宜歸中國自主。四 由營口至新民廳之鐵路仍照原定合同辦理。○聞

畫押後俄國即將駐紮牛莊俄兵一律撤退並可交還牛莊。

索還天津

政府向各使索還天津。英日義俄法允之。而德國不允。二月初旬。袁宮保與各使議定簽字。允於五月廿六日。與鐵路一同交還。計條約四則。不得重修城牆。<sup>二</sup>不得重築大沽礮臺。<sup>三</sup>鐵路賠款八十五萬兩。<sup>四</sup>天津不駐重兵。袁宮保意。至少須駐二三千華兵於津。而英使謂可離天津十英里外駐紮。至德之所以不允者。欲乘此時將天津北河開挖。又要索中國。另築支路。接連天津鎮江鐵路。一通開封府。一通正定府云。○聞英國限以西五月一日起。德國限以西七月一日起。撤退駐津兵士。而德國欲以其半改駐青島。餘皆駐滬。故某督密奏。請速議撤兵之事。

路礦彙紀

聞某大員 奏請阻止俄人開採吉林各礦。擬由中德兩國商人籌款合辦。○英國所佔山海關內鐵路。聞有西五月一日交還之說。○聞近有美國人羅也爾稟請政府。預備資本銀一百五十萬兩。承辦由北京至張家口之鐵路。

商約彙誌

英國派議商約專員麥垓君欲准華米出口。盛宮保呂大臣答以災荒迭見，斷無餘糧轉售。當視豐歉酌辦。如有災荒，仍當禁止。聞麥君已允。○盛宮保呂大臣以中國土貨日少，亟宜將出口貨物照原稅再減。麥君亦以爲然。現已核減土貨稅則。俟定妥卽諭華商。○洋鹽已允進口，並可建棧躉售。抽稅之法，先以五年爲限。每百斤抽稅若干，尙未議定。大約十年左右，鹽稅不能比前再增。○海關請領存票，自請領日起，不得過三禮拜。卽給洋商，不得折扣分文。仍可抵完他稅。惟不能抵子口半稅。○麥君擬令洋商將牌號報明海關註冊存案，以杜假冒。聞已查照酌行。○聞所議整頓中國圖法使歸一律，及華洋合股貿易，已有端緒。惟開通內地各口岸事，則呂大臣慮民智未開，恐易生事，力爲駁斥。至前議四川通商，已據川督覆電，以四川風氣阻塞，道途峻險，未便准行等語卻之。○加稅廢釐一節，麥君意現在進口稅加至值百抽十五，惟須盡除內地各稅方可。○內地傳教，亦載商約。有云入教與未入教者，



均須遵照中國律例。教士不得干預地方官之權。亦不得歧視民教。且教士如在內地置買屋地。僅能作教中善舉之用。教堂房屋式樣。必與華屋相同。地方官並可隨時入堂稽查。聞麥君亦已允諾。

### 路礦述聞

礦路總局現擬新章。征稅過重。計占三分之一。各國公使大爲不悅。聞已嘖有煩言矣。○聞某法商欲合辦四川煤油公司。指定犍爲灌縣合州萬縣等六處。而英商立德爾所辦。除煤油外。尚有銻沙煤礦。惟未指明何地。川督已遵外務部新章四條。飭員赴渝。與英商商辦。○華俄銀行近又堅索東三省鑛利。以華人出名。其所議甚祕。

### 要事雜誌

還津之約。因駐兵事尙未議妥。各國公使謂天津撤兵。亦照中俄特約以一年半爲期。而聯軍某統領云。須俟西六月杪。大沽礮臺拆竣。始可議及交還。○英使照會中國政府。謂自北京至山海關之鐵路。須俟奉天俄兵撤退。方可交還。